



METHODIST CHURCH IN SAMOA

EKALESIA METOTISI I SAMOA

Central Office – 2nd Floor -Fetu Ao Bldg, Matafele
Beach Road - Apia, Samoa.

P.O. Box 1867, Apia, Samoa.

Telephone – (685) 22 283, 20 810, 26 944

Fax – (685) 22 203; Email – metotisi1@samoa.ws

President:

Rev. Faulalo Leti Paaga

Fax – (685) 22203

Email – letipaaga@samoa.ws

Telephone:

Office: ISD (685) 22 283

Home: (685) 21 521

General Secretary:

Rev. Dr. Eteuati Sili Leuo Tuioti

Email: generalsec@samoa.ws

Telephone:

Office: ISD (685) 21 985

Home: (685) 22 106

Treasurer:

Rev. Ellice Soliola

Email: e.soliola@gmail.com

Telephone:

Office – ISD (685) 21 985

29 Aperila 2020

FAASILASILAGA MO LE EKALESIA:

FUAFUAGA E FAATATAU MO TAPENAGA I LE KONEFERENISI 2020

Afioga i alii Sea ma Peresitene o Au Uso Fealofani o Sinoti e fia o le Koneferenisi i Samoa nei ma atunu'u mamao;

Susuga i alii Faifeau Tausi Matagaluega ma Faletua;

Le mamalu i le au faigaluega tofofi i Matātā ma Punāvai Eeseese o le Ekalesia;

Le tapuaiga mau i Matua Mālōlo Manumalo ma ē o gasegase;

Le paia i le Komiti Tumau ma le loaloa o le Ekalesia i tupu ma tamaalii, faletua ma tausii;

Failauga o le Talalelei;

Le Au Uso Fealofani;

Aemaise tupulaga talavou ma fanau, o le lumana'i o le Ekalesia.

Fa'amālō le soifua! Fa'afetai tatalo ma le tutumau i le fa'atuatua. Ou te fa'atalofa atu i le mamalu o le Ekalesia i le Suafa Manumalo o lo tatou Alii ma le Faaola o Iesu Keriso. Ia faamanūina lona Suafa i taimi uma ma so'o se la'asaga o lo tatou ola. O le Atua e tumau lona alofa ma lona fa'amaoni mo i tatou.

Ua silafia uma le pagātia o le lalolagi, ona o le fa'ama'i oti, COVID-19. Ua fa'apena ona suia uma ai foliga ma tualumaga o fuafuaga, feau, ma le fa'atinoga o le soifuaga masani. Ua o se mataupu tūgā tele, ua faigata ai ona fa'ataunu'u faamoemoega masani o le soifua lotu, soifua molimau, ma le soifua potopoto o le Ekalesia.

Sa tatalo lava ma le agaga fa'atuatua i le Atua, e fa'asino mai auala, avanoa, ma ni tonu, e tautai, ma fa'atonu ai faamoemoega o le Ekalesia. E mautinoa foi le mafanafana, e afua mai i le tapuaiga ma le tatalo a le Ekalesia. Faafetai.

Talu ai o sã ma alāfua ua savalia nei e Atunuu uma, aemaise Samoa mo le puipuaia mai le fa'ama'i, atoa ma le lē mautinoa po'o afea e maua ai se fofō, e tusa ma fautuaga tu'uina mai e le Mālō, ma Ofisa Soifua Maloloina, ua a'e ai se manatu ina ia faia ni fa'aiuga e tapena ai, ma saunia ai le Ekalesia mo ana feau ma fuafuaga mo lenei tausaga (2019-2020), a fa'aiuina.

1. Ia lē fa'ataunu'uina Suega a le fanau (Aoga Aso Sa).
2. Ia lē fa'ataunu'uina Sinoti (fonotaga); Ekalesia ma le Au Uso Fealofani
3. Ia onosa'i fonotaga: Koneferenisi Ekalesia: Usufono ma Faifeau
Koneferenisi Au Uso Fealofani
4. Ia fa'ataunu'uina le aoina mai o fa'amaumauga/faitauga o le Ekalesia.
5. Ia tapenaina le Tala o le Tupe, e tauaaoina i se taimi talafeagai.

6. O lona uiga:

- i. E tumau pea faifeau (7 tausaga) ma faifeau ua aulia tausaga malolo (70 tausaga) i tofiga o lo'o galulue ai.
- ii. Tumau Ta'ita'i o Sinoti (Sea) ma isi tofiga fa'apitoa i Sinoti, vagana se mafuaaga tatau e suia ai.
- iii. O le fa'au'uina o Faifeau Faamaoni, o le a fa'atatauina i le lumana'i.
- iv. O le a fuafuaina se tali i ni manaoga fa'apitoa (Tusi Tofiga) pe a mana'omia.
- v. O le a fa'ailoa ma aloaia Failauga ua pasia e Faamaoni, faapea ma e Penisione i Sinoti ta'itasi, i se avanoa e talafeagai.
- vi. O le a fuafuaina le faamoemoe o le Kolisi Fa'afaifeau i Piula (tausaga fa'aiuaso)
- vii. E fa'ataunu'uina le Suega Ulufale mo le Kolisi Fa'afaifeau i Piula (aso fa'atonuina i le Kalena). Faia suega i Sinoti ta'itasi.
- viii. E fa'aauuina e le Komiti Tumau o lo'o iai nei le auunaga; faapea ma isi Komiti Eseeese o le Koneferenisi.
- ix. O nisi fuafuaga i tua atu o le Koneferenisi, o le a faailoa atu i le taimi talafeagai.

O le fa'amalosi a le Aposetolo i le Ekalesia i Efeso, "*.....ia nofo mau Keriso i o outou loto i le fa'atuatua, ina ia maua'a outou, ma ia fa'avaeina i le alofa, tou te mafai ai ona iloa lelei e outou atoa mo le au paia uma, o le uiga o le lautele, ma le umi, ma le loloto, ma le maualuga, ia iloa foi le alofa o Keriso ua silisili ese e lē mailoa, ia fa'atutumuina outou i le tumu uma lava o le Atua. Ia ia te ia o lē na te mafaia ona faia o mea uma e fa'asilisili lava i mea tatou te ole atu ai ma mafaufau i ai, e tusa ma le mana o lo'o matuā galue i totonu ia te i tatou.....*" (Efeso 3:17-20).

Fai ia lea ma fa'amanatu ma le fa'amalosi mo le Ekalesia, le mautinoa o le "**lava**" o Keriso i itu aso fa'apenei.

Alofa tele ma faamanuia le Atua,


.....
Rev. Faulalo Leti Paaga
Peresitene